

Sohn a di nyoo “b” werd dehn eena di sekan edishan a di Kriol dikshineri

Memba seh laas week wi mi syhaa wid unu chree regula plays weh yu ku goh fi reed eena di standad Kriol spelin sistim? Memba: Ih eezi fi laan fi reed ahn rait di Kriol langwij weh wi don taak soh gud gud! Soh, wi di tel yu agen:

THE REPORTER: Evri week eena **THE REPORTER** nyoozpaypa, reed dis aatinkl. Da fahn di layt 1990s **The Reporter** di kehri dis aatinkl: Weh Wi Ga fi Seh.” **belmopanonline.com:** Evri week eena di Kriol paat a dis websait fu www.belmopanonline.com, yu ku reed “Weh Wi Ga Fi Seh.” Pahn tap, yu ku fain eezi eezi evri aatilk di goh bak tu 2008 pahn dis websait: Di dairek link da: <https://www.belmopanonline.com/belizean-kriol-language> Pahn tap: **501Academy** (di Minischri a Ejukayshan websait fu lata mateeryal bowt Bileez ahn Bileez kolcha ahn risaach!). Wi tank MoECST fi put op di sekan edishan a di dikshineri pahn **501Academy** soh evribadi ku chek it owt: <https://501academy.edu.bz/2025/01/10/belize-kriol-dictionary/>

bakativ n. backup, support. **Ah wahn need sohn bakativ wen Ah gi ahn pees a mi main, soh mi fren wahn kohn wid mi.** I will need some support when I tell him off, so my friend will come with me.

beliful adj. very big (fruit). **Da chree noh di bayr beliful mengo laik laas yaa.** That tree is not bearing big mangoes like last year.

bokaneeya (var: bokanayr) n. buccaneer. **Di teecha prezentayshan bowt di bokaneeya dehn mi oanli inchrestin.** The teacher's presentation about the buccaneers was very interesting.

boyobrooto n. properly seasoned corn that takes a long time to spoil. **Dehn mek boyobrooto fahn di lefoava kol wen dehn mek tamaales.** They make “boyobrito” from the leftover cull when making tamales. [< Sp. boyos]